

تبریز بازاری‌نین معمارلیغی بؤیوک بیر شهر معمارلیغی کیمی دیر

لیتوانی اؤلکه‌سی‌نین «بامتیک» تیجاری تحقیقاتی شیرکتی‌نین عضوی دئدی: تبریز بازاری‌نین اسرار انگیز و ایچ-ایچه معمارلیق قورولوشو، اونو بیر شهر کیمی عظمتلی و بوروشوق ائدیپ.

رابرت جودکا تبریز بازاریندان گؤروش زامانی فارس خبرنیگاری‌اینن دانیشیقدا دئدی: بو بازارین راستالاری و بؤلوملری بؤیوک بیر شهرین خیابانلاری کیمی بیر-بیرینه یاپیشیر کی چوخ جالبیدیر. جودکا ایدامه وئردی: بازاردا اولان فرهنگ و تمدون و بو اوزن تاریخی‌اینن اونداجاری اولان یاشاییشین و کسب و کار چوخ گؤزل و تأثیر قویاندیر. او ایران و مخصوصاً شرقی آذربایجانین جماعتین چوخ مهربان و قان ایستی بیلیب دئدی: تبریز بازارین یونسکودا ثبت اولماسی بو عظیم تاریخی اثرین تانیماسینا سبب اولوب، آما بو اثری یاخیندان گۆرندن سونرا متوجیه اولدوق کی تبریز بازاری عکسلری و فیلملریندن داها عظمتلی دیر. جودکا هابئله مشروطه موزه‌سیندن اولان گؤروش ایشاره ائدیپ دئدی: مشروطه ائوی و موزه‌سی بین‌المیلل جنگلرین بیر بؤلومون و اونلارین ایراندا قویدوقلاری تأثیرین دقیق و شفاف تصویریدیر. «بامتیک» تیجاری تحقیقاتی شیرکتین مودیر هیئتتی عضوی آیدینلاددی: مشروطه دؤورونون تاریخی، موقاویمت‌لرین عکسلری و ریوایتلر و جماعت و رهبرلری‌نین موبارزه‌لری چوخ جالب و اینسانی تعجوبه سالیر. او تبریزی گؤزل و یاخجی شهر ادلاندیریپ و دئدی: بو شهر تاریخی و فرهنگی نواد لار و اثرلرینی تکنولوژی و گؤزل ساختیمانلارین کناریندا ساخلایا بیلیب و بونا دیقت یئتیرماغینان کهریا یولونون اوستونده دایانیر و آیری موهوم خصوصیتلری وار، بیز ترغیب اولموشوق کی بو اوستانیان فرهنگ و تیجاری ایرتیباطلاریمیزی چوخالداق. کهریا یولونون تحقیقاتی و رسانه‌ای گروهی، آذربایجان موزه‌سی، تبریزین جومعه مسجدی، مشروطه موزه‌سی و تبریزین بؤیوک بازاریندان گؤروش ائله‌دی.